



Na osnovu člana 11. tačka g) Zakona o poticaju razvoja male privrede („Službeni glasnik Unsko-sanskog kantona“, broj: 5/26) i člana 57. stav (7) Zakona o izvršavanju Budžeta Unsko-sanskog kantona za 2026. godinu („Službeni glasnik Unsko-sanskog kantona“, broj 1/26) i Programa poticaja uspostavljanja i izgradnje poslovnih zona u gradovima i općinama Unsko-sanskog kantona za 2026. godinu broj: 03-02-44-758/2026 od 1.7.2026. godine, Ministarstvo privrede objavljuje:

JAVNI POZIV

„Podrška gradovima i općinama Kantona za sufinansiranje projekata iz Budžeta Ministarstva privrede - Kapitalni grantovi - Poslovne zone“

I PREDMET JAVNOG POZIVA

Predmet Javnog poziva je prikupljanje prijava za odabir korisnika sredstava iz Budžeta Unsko-sanskog kantona za 2026. godinu na razdjelu Ministarstva privrede - Kapitalni grantovi drugim nivoima vlasti - Poslovne zone.

II PRAVO UČEŠĆA

Pravo učešća imaju gradovi i općine Unsko-sanskog kantona za sufinansiranje projekata koji odražavaju razvojne prioritete jedinice lokalne samouprave s namjenom definisanom u tački III Javnog poziva.

III NAMJENA UTROŠKA SREDSTAVA I ROK ZA IMPLEMENTACIJU

Sredstva su namijenjena za sufinansiranje projekata:

- a) otkup/eksproprijaciju zemljišta za formiranje poslovne zone,
- b) izradu planske, projektne i druge dokumentacije za uspostavu i razvoj poslovne zone,
- c) izgradnju, rekonstrukciju, dogradnju, sanaciju, održavanje ili druge zahvate na građevinama, vodne, saobraćajne, energetske i komunalne infrastrukture unutar poslovne zone,
- d) označavanje (oglasna tabla sa nazivom zone i popisom subjekata u zoni, putokazi za zonu i unutar zone) i ograđivanje poslovne zone.

Gradovi i općine koji/e apliciraju za poticajna sredstva po ovom Javnom pozivu obavezni/e su osigurati najmanje 10% vlastitog učešća u ukupnoj vrijednosti projekta.

Rok za implementaciju projekta po zaključenom Ugovoru za korisnike sredstava je **maksimalno 12 mjeseci od dana zaključenja Ugovora**

Svako korištenje odobrenih sredstava suprotno namjenama smatrat će se nenamjenskim utroškom.

IV SREDSTVA ZA IMPLEMENTACIJU

Sredstva za implementaciju ovog Programa utvrđena su u Budžetu Unsko-sanskog kantona za 2026. godinu, budžetski korisnik Ministarstvo privrede na ekonomskom kodu 615100, subanalitika FAS003 - „Grantovi grantovi drugim nivoima vlasti-Poslovne zone“ u iznosu od 1.000.000,00 KM.

Maksimalan iznos sredstava koji se može dodijeliti gradu i općini iznosi 200.000,00 KM.

Podnosilac prijave u Prijavnom obrascu može iskazati potrebu za namjenu utroška sredstava za dva projekta sufinansiranja tačkom III ovog Javnog poziva, pri čemu ukupan iznos koji traži od Ministarstva može biti maksimalno 200.000,00 KM.

Sredstva se ne mogu dodjeljivati za završene projekte.

V KRITERIJI ZA UTVRĐIVANJE RANG LISTE POTENCIJALNIH KORISNIKA SREDSTAVA

1. Vlastito učešće u ukupnoj vrijednosti projekta.
2. Projekat proizilazi iz Strategije razvoja grada/općine.
3. Stepen razvijenosti grada/općine.
4. Korisnik sredstava Ministarstva po Programu poticaja za poslovne zone u 2021., 2024. i 2025. godini.

VI PRIJAVA PO JAVNOM POZIVU

1. Prijava na Javni poziv se vrši putem Prijavnog obrasca (**Aneks I**) koji se preuzima sa web stranice Vlade Kantona (www.vladausk.ba).
2. Zavisno od namjene utroška sredstava definisane tačkom III ovog Javnog poziva, dostavlja se dokumentacija kako slijedi:
 - a) Za projekte koji se odnose na otkup/eksproprijaciju zemljišta za formiranje poslovne zone potrebno je dostaviti sljedeću dokumentaciju:
 - 1) Odluku Gradskog/Općinskog vijeća o osnivanju/proглаšenju poslovne zone;
 - 2) Izvod iz važećeg planskog dokumenta grada/općine ili Kantona koji se odnosi na predmetnu lokaciju na osnovu kojeg se može utvrditi da je na predmetnom obuhvatu planirana gradnja poslovne zone (ukoliko za predmetnu lokaciju nisu doneseni planski dokumenti, dostaviti urbanističku saglasnost ili lokacijsku informaciju);
 - 3) Kopiju katastarskog plana s označenim granicama obuhvata zone i označenim korisnicima na česticama unutar zone;
 - b) Za projekte koji se odnose na izradu planske, projektne i druge dokumentacije za uspostavu i razvoj poslovne zone potrebno je dostaviti sljedeću dokumentaciju:
 - 1) Odluku Gradskog/Općinskog vijeća o osnivanju/proглаšenju poslovne zone;
 - 2) Izvod iz važećeg planskog dokumenta grada/općine ili Kantona koji se odnosi na predmetnu lokaciju na osnovu kojeg se može utvrditi da je na predmetnom obuhvatu planirana gradnja poslovne zone (ukoliko za predmetnu lokaciju nisu doneseni planski dokumenti, dostaviti urbanističku saglasnost ili lokacijsku informaciju);
 - 3) Predračun za izradu planske, projektne i druge dokumentacije za uspostavu i razvoj poslovne zone;
 - c) Za projekte koji se odnose na izgradnju, rekonstrukciju, dogradnju, sanaciju, održavanje ili druge zahvate na građevinama, vodne, saobraćajne, energetske i komunalne infrastrukture unutar poslovne zone potrebno je dostaviti sljedeću dokumentaciju:
 - 1) Odluku Gradskog/Općinskog vijeća o osnivanju/proглаšenju poslovne zone;
 - 2) Izvod iz važećeg planskog dokumenta grada/općine ili Kantona koji se odnosi na predmetnu lokaciju na osnovu kojeg se može utvrditi da je na predmetnom obuhvatu planirana gradnja poslovne zone (ukoliko za predmetnu lokaciju nisu doneseni planski dokumenti, dostaviti urbanističku saglasnost ili lokacijsku informaciju);
 - 3) Izvod iz odobrene projektne dokumentacije za planirane zahvate sa predračunom planiranih radova;
 - d) Za projekte koji se odnose na označavanje (oglasna tabla sa nazivom zone i popisom subjekata u zoni, putokazi za zonu i unutar zone) i ograđivanje poslovne zone potrebno je dostaviti sljedeću dokumentaciju:
 - 1) Odluku Gradskog/Općinskog vijeća o osnivanju/proглаšenju poslovne zone;
 - 2) Izvod iz važećeg planskog dokumenta grada/općine ili Kantona koji se odnosi na predmetnu lokaciju na osnovu kojeg se može utvrditi da je na predmetnom obuhvatu planirana gradnja poslovne zone (ukoliko za predmetnu lokaciju nisu doneseni planski dokumenti, dostaviti urbanističku saglasnost ili lokacijsku infomaciju);
 - 3) Izvod iz odobrene projektne dokumentacije za planirane zahvate sa predračunom planiranih radova;

3. Izjavu o vlastitom učešću finansijskih sredstava u realizaciji projekta (**Aneks II - sastavni dio Programa**), popunjena, potpisana i ovjerena od strane podnosioca prijave (preuzima se sa web stranice Vlade Kantona www.vladausk.ba).
4. Kopiju dokumenta iz kojeg je vidljiv broj transakcijskog računa na koji će se sredstva doznačiti (ugovor ili karton deponovanih potpisa ili potvrda banke).
5. Izjavu gradonačelnika/načelnika da projekat s kojim se aplicira proizilazi/neproizilazi iz strategije razvoja općine/grada (potpisanu i ovjerenu od strane podnosioca prijave);
Dokumenti se dostavljaju u originalu ili ovjerenoj kopiji.

Neće se uzeti u razmatranje prijave gradova/općina koje su neblagovremene prijave koje su dostavljene nakon isteka roka određenog Javnim pozivom i čiji projekti nisu u skladu sa namjenom definisanom tačkom III Javnog poziva.

VII OBRADA PRIJAVA I IZBOR KORISNIKA

Dostavljene prijave po Javnom pozivu razmatra Komisija koju rješenjem imenuje ministrica. Komisija ima zadatak da:

- a) izvrši analizu ispunjenosti formalno-pravnih uslova i bodovanje pristiglih prijava u skladu sa ovim Programom i Javnim pozivom,
- b) sačini listu podnosioca prijava koji ispunjavaju formalno-pravne uslove sa ostvarenim brojem bodova i iznosom sredstava po svakom projektu,
- c) sačiniti listu podnosioca prijava čije su prijave neblagovremene, nepotpune i neosnovane.

Komisija uz Izvještaj o provedenom postupku po Javnom pozivu dostavlja liste Ministrici. Po odobrenju Ministrice, liste se objavljuju na web stranici Vlade Kantona: www.vladausk.ba.

Na objavljene liste podnosioci prijava imaju pravo prigovora koji se podnosi Ministarstvu u pisanoj formi, u roku od tri dana od dana objavljivanja listi na web stranici Vlade Kantona. O prigovoru odlučuje Ministrica. Odluka o prigovoru je konačna.

Po okončanju prigovora, Ministrica utvrđuje rang listu korisnika sredstava sa nazivom projekta, ukupna vrijednost projekta, iznos vlastitog učešća u projektu i iznos sredstava Ministarstva odobrenih za realizaciju projekta. Po donošenju rang liste, Ministarstvo dostavlja Vladi Kantona prijedlog Odluke o usvajanju Programa utroška sredstava Budžeta Unsko-sanskog kantona za 2026 godinu, budžetski korisnik Ministarstvo privrede sa pozicije „Kapitalni grantovi drugim nivoima vlasti-Poslovne zone“, na razmatranje i donošenje.

Donošenjem Odluke o Programu utrošku sredstava od strane Vlade Kantona, Ministarstvo sa odabranim korisnicima zaključuje Ugovore o dodjeli sredstva, kojim se regulišu međusobna prava i obaveze.

Rok za implementaciju projekta po zaključenom Ugovoru je najduže 12 mjeseci od dana zaključenja Ugovora.

VIII NAČIN DOSTAVLJANJA PRIJAVA

Prijave sa potrebnom dokumentacijom dostavljaju se neposredno na protokol Vlade Kantona ili preporučeno putem pošte, na adresu:

**Ministarstvo privrede Unsko-sanskog kantona, Ul. Alije Đerzeleza br.2, 77 000 Bihać,
s naznakom na koverti –
Prijava po Javnom pozivu
„Podrška gradovima i općinama Kantona za sufinansiranje projekata iz Budžeta Ministarstva
privrede-Kapitalni grantovi-Poslovne zone“
„NE OTVARAJ“**

Na poledini kovert obavezno navesti naziv grada/općine i adresu.

Rok za podnošenje prijava je 15 (petnaest) dana od dana objave Javnog poziva.

IX IZVJEŠTAJ O UTROŠKU SREDSTAVA

Korisnici sredstava su dužni pravdati utrošak ukupnih sredstava (ukupna vrijednost projekta) predviđenih za realizaciju projekta, uključujući vlastita i dodijeljena sredstva Ministarstva. Za sva neopravdana sredstva, Ministarstvo će pokrenuti proceduru povrata, pri

čemu se iznos povrata određuje proporcionalno učešću sredstava Ministarstva u ukupnoj vrijednosti projekta.

U skladu sa Ugovorom o dodjeli sredstava korisnici sredstava su obavezni **dodijeljena sredstva Ministarstva i vlastita sredstva koristiti namjenski** i dužni su dostaviti Izvještaj na propisanom obrascu „Izvještaj o utrošku finansijskih sredstava“ sa kompletnom dokumentacijom kojom se dokazuje namjenski utrošak sredstava.

Pravdanje se vrši sa odgovarajućom dokumentacijom koja se dostavlja Ministarstvu:

- a) **„Izvještaj o utrošku finansijskih sredstava“** - popunjen, potpisan i ovjeren od strane korisnika sredstava (**Aneks III – sastavni dio Programa**), dostupan na web stranici Vlade Kantona www.vladausk.ba;
- b) **Izjava gradonačelnika/načelnika o namjenskom utrošku sredstava**, ovjerena kod nadležnog gradskog/općinskog organa (**Aneks IV – sastavni dio Programa**), dostupan na web stranici Vlade Kantona www.vladausk.ba;
- c) **Dokumentacija** kojom se dokazuje da je utvrđen javni interes nad nekretninom i proveden postupak eksproprijacije u skladu sa važećim zakonskim propisima ili sporazum o sticanju prava vlasništva nad nekretninom (otkup). (Odnosi se isključivo na sufinansiranje projekta otkup/eksproprijaciju zemljišta za formiranje poslovnih zona - član 4. stav (2) tačka a) Programa), ovjerena kopija;
- d) **Odobrenje za građenje (ovjerena kopija)** za projekte za koje se aplicira, osim u slučajevima kada prema Zakonu o prostornom uređenju i građenju - Novi prečišćeni tekst („Službeni glasnik Unsko - sanskog kantona“, broj 8/25) ovo odobrenje nije potrebno - u tom slučaju dostavlja se Izjava gradonačelnika/načelnika da isto nije potrebno;
- e) **Odluka o pokretanju postupaka** u skladu sa odredbama Zakona o javnim nabavkama BiH („Sl. glasnik BiH“, br. 39/14, 59/22 i 50/24), ovjerena kopija, ista mora biti datirana nakon dana potpisivanja ovog Ugovora;
- f) **Ugovor** sa odabranim najpovoljnijim ponuđačem/izvođačem, datiran nakon dana potpisivanja ovog Ugovora, ovjerena kopija;
- g) **Privremena i okončana situacija** ili drugi relevantni dokumenti koji potvrđuju realizaciju ugovorenih radova/usluga (npr. zapisnici o primopredaji ili izvještaji nadzornog organa ili zapisnici o izvršenju usluga, fotodokumentacija i sl.). Dostavljena dokumentacija ne može biti starija od dana zaključivanja ovog Ugovora, te ista se dostavlja kao ovjerena kopija;
- h) **Računi**, u skladu sa privremenim i okončanim situacijama ili drugim relevantnim dokumentima, ovjerena kopija, isti ne mogu biti stariji od dana zaključivanja ovog Ugovora;
- i) **Kopije Izvoda iz banke** na kojima su, pored uplaćenih iznosa, vidljivi dokumenti po kojima je plaćanje izvršeno.
- j) Druga relevantna dokumentacija kojom se može dokazati namjenski utrošak sredstava.

Rok za dostavu izvještaja je **najkasnije 15 dana od dana isteka roka za implementaciju projekta**. Za sva neopravdana sredstva, Ministarstvo će pokrenuti proceduru povrata i to u iznosu koji je proporcionalan učešću sredstava Ministarstva u ukupnoj vrijednosti projekta.

Svako korištenje odobrenih sredstava suprotno namjenama utvrđenom tačkom III ovog Javnog poziva smatrat će se nenamjenskim utroškom.

Ministarstvo zadržava pravo traženja i dodatne dokumentacije i pojašnjenja kod provjere namjenskog utroška sredstava (pismenim i usmenim putem).

Ukoliko Korisnik sredstava ne dostavi Izvještaj o utrošku finansijskih sredstava ili nenamjenski utroši sredstva, Ministarstvo pokreće zakonom propisan postupak za povrat finansijskih sredstava. O utrošenim sredstvima po ovom Programu Ministarstvo će u skladu sa Odlukom o usvajanju Programa utroška, a nakon izvršenog razmatranja Izvještaja korisnika o namjenskom utrošku finansijskih sredstava, dostaviti Izvještaj Vladi Kantona.

Projekti gradova i općina će se sufinansirati sredstvima ovog Ministarstva na osnovu rang liste, u skladu sa ostvarenim brojem bodova i raspoloživim finansijskim sredstvima utvrđenih članom IV ovog Javnog poziva.

U postupku po Javnom pozivu Ministarstvo zadržava pravo da poništi Javni poziv u bilo koje vrijeme do zaključenja ugovora, bez obaveze pismenog ili usmenog obrazloženja. U slučaju nedostatka sredstava u Budžetu Kantona obustavlja se realizacija dodjele sredstava.

Ministarstvo ne snosi troškove nastale u vezi sa prijavom na Javni poziv.

Prispjela dokumentacija će se vratiti podnosiocima prijava samo na pismeni zahtjev u slučajevima poništenja Javnog poziva i obustave realizacije zbog nedostatka sredstava u Budžetu Kantona.

Aneksi od rednog broja I do IV čine sastavni dio ovog Javnog poziva, propisani su i dostupni su na web stranice Vlade Kantona: www.vladausk.ba.

Sve dodatne informacije vezane za Javni poziv mogu se dobiti putem telefona: 037/316-039 ili na e-mail: privreda@vladausk.ba.

Broj: 06-11-7234-5/26
Bihać, 6.7.2026.godine



MINISTRICA
Samra Mehić, scr.